

مکرمه بیروت

ادبی و سیاسی رساله‌های هفتاد و هشت

۳۱ نوبت

۴ ذی القعدة ۱۳۲۹

نخستین شماره

جزء عدد : ۱۱۸

مصری مصطفی کامل پاشا

ادوار فرعونیه دن بری مصرده گران خواب عطالده قالمش و بلدکه هیچ بر وقت اثر تیقظ کوسرتمامش اولان افکار ملیه بی عادتاً ایجاد دینه جک برماهیتده ایقاظ ایدرک برقوه فعاله حالده تمثیل ایدن و اتحاد اسلام فکری ایجابات عصریه توفیقاً الک معقول و مفید برشکلده نشر و ترویجیه تأمین موفقیت ایلان مصطفی کامل پاشا که مصر سیاسیونندن و ارباب نشریاتک سرافرازانندنره قاهره مصرده برمهندسک صلبندن ۱۴ آغستوس ۱۸۷۴ تاریخده دنیا به کلشدر .

فرط ذکاوت و قابلیت ایله مفعطور اولان بوذات هنوز پک کنج ایکن اکتساب معارفه فوق الغایه برهوس اظهار ایدرک قاهره ده کی (مدرسه خدیوی) ایله فرانسر مکتبنده مبادی حقوقی تحصیل ایتش و متعاقباً فرانسه به عزیمتله پارس و (طولوز) ده کی حقوق فاکولته لرینه دوام ایلله مکتسباتی استکمال ایلشدر .

کامل پاشا مدنیت غربیه نك طرطنه ظاهریه سنه قایله رق خواص ملیه سندن تجرد ایدن سخیف الفکر و سطحی نظر کنجاردن اولمدی بی جهتله وطننه عودتیه

برابر یکنی بر مجاهده ملیه جفری آچنی اس مقصد ایدنش و بوی عزم قوی ایله
عالم سیاسیه و آنک لازم غیر مفارقی اولان مسلك نشریاته داخل اولمشد .
هیچ برشیدن مایوس اولماق، هرمانعیه بردافعه بولمق کبی خواص فوق العاده ایله
برابر . بیوک بر ناطقه بی و انفاذ مرآمده تأثیر قطعیسی منکر اولمیان قوه
قلیه بی نفسنده جمع ایتمش اولدیغندن ، اوزمانه قدر متفرق بر حالده بولنان و هدف
و غایه لری هنوز تعین ایتماش اولان افکار ملیه طرفداراتی آز وقته اطرافده
جمع و توحید ایتمش و حتی آفریقای شمالیده کی اتحاد اسلام تمایلاتکده ال ذی نفوذ
بر مرقجی اولمشد .

مصطفی کامل پاشانک ال مهم مساعی حیاتیه سی، لورد (قرو مرو) ک شدید
و عاقلانه اداره سی سایه سنده مصرده کوندن گونه توسیع دائره ایدن انکلیز نفوذینه
قارشی کوستردیکی مجاهدات متوالیه سی تشکیل ایدر . ال بیوک املی ایسه مملکتی
انکلیز استیلا سندن قورتارمق اولدینی جهته ، وطنداش لری آره سنده ملیت فکرینک
ایلا د و احیاسی یولنده پک زیاده جهد وسیعی ایدرک ، نهایت مصر ارباب شبانک
دماغنده مختاریت اداره و اصول مشورت و مشروطیت آمال و تمایلاتی اساسکیر
ایتمک موفق اولمشد .

عین زمانده اتحاد اسلام فکرنی دخی هر دلولو تحریکات تعصبکارانه دن بری
و پک جدی و معقول بر طرزده ترویج و التزام ایلدیک کبی ، کنجلیکنه رغماً افعال
و حرکات ذاتیه سی مسلك صلاح و کاله توفیق ایدرک همشهرلرینه تلقین و ایفادن
خالی اولدینی و صایاسیله هر کسدن اول بالذات کنیدیسی عامل اولدیغندن ، مملکتنده
پک بیوک بر حرمت و محبت قزائش و یالکیز نامنی ذکر ایتک ، طبقات مختلفه
ناسی مسلك ملتزم آزادی به انجاج امرنده بر عامل مؤثر حکمنی آلمشد .

۱۹۰۰ سنه سی کانون نایسنده مشهور (اللواء) غزیه سی تأسیس ایلشیدیکه
بو غزیه آز زمان ایچنده مصرک ، دائره نشریاتی ال واسع و ال نفوذلی بر غزیه سی
اولمش و حتی ایراندن فاسه قدر بالجله اقوام اسلامیه آره سنده زیاده سیله جلب
رغبت و اکتساب اهمیت ایلشدر . کامل پاشا ، آمال ملیتپورانه سنه و حق و معدلتیه

مسئند مطالباتنه افکار اجنبیه یی ده جذب و اماله به موفق اوله تئک ایچون ۱۹۰۷ سنه سنده بری فرانسه زجه و دیگر ای انکلیز لسانلرنده اولمق اوزره (رأیت مصریه) عنوانی آلتنده ایکی غزته ده تاسیس ایشیدی . او تاریخلرده ایدیکه ، نیجه سندن تخلیص کریبان ممکن اولمیان مرض مدھش و بی امانه کرفتار اولدیغنی آکلادیغندن ، سکیز اون سنه ک مجاهدات متمادیه ایله وجوده کتوره بیلدیکی آناری تقویه لزووم کورمک اؤل امرده منسوب اولدیغنی ، ده طوغریسی مؤسس بولندیغنی فرقه یی (فرقه ملیه) عنوانی آلتنده منتظم بر قوت حالنه کترمکه تشبث ایلش و درحال فرقه یه بیگلرجه طرافداران قید و قبول اولنهرق کندیسید ۱۹۰۷ کانون اولنده فرقه ناک قید حیات شرطیله ریاستنه تعیین قلمشدر .



مصر فرقه ملیه رئیس

مصطفى كامل پاشا مرحوم

کامل پاشانک بو اوزون و فداکارانه مساعیدنک ملت داشلرینه اولان تأثیرات معنویه سندن بشقه بر خیلی خصوصاتده فوائد مادیه سی ده کورلمشدرکه بوجله دن اولمق اوزره (دانشوای) حادثه مشهوره سنه مشارالیه ک واقع اولان مداخله شدیدیه سی و آنک منجر اولدیغنی نتیجه کوستریله بیلر .

بزده مطبوعاتک اجراءات حمیده شاخوانلغنه حصر صحائف اتمکک مجبور طوتلدیغنی بر صره ده جربان ایلدیکی جهتله ارباب مطالعه ناک پک جوغنه مجهول بولنان بو حادثه ، (دانشوای) قر به سنه اولانق ایچون کیرن بر قاچ انکلیز ضابططک

اهل قریه یه عائد کوکر جینلری ده اورملری اوزرینه اهالی طرفدن یاقدرلندن طوتیلهرق زورله خارج قریه آتلملری یوزندن ظهور ایششدر . (دانشوای) سکانک ، قریه لرینه تجاوز ایدن ضابطلره قارشى وقوع بولان شو معامله لرنده کی حقلمی بدیهی اولدیغنی حالده لورد (قرومر) ، بهوده بر شدت ابرازی هوسيله اهالیدن درت کشی صلب استدرمش و دیگر اون بدی کشی ده مجازات مختلفیه محکوم اولمشدر .

تحت استیلالوینہ آلدقلمی ممالکده لزومسن شدت کو سترمکن دانما بجائیلہ معروف اولان انکلیز لرنک شو تغلبکارانہ و باخصوص غدارانہ معاملہ لری کامل پاشانک نشریات آتشیفی و طر فدار سنک تلقینات متمادیه سی ایله مصر افکار عمومیه سنده اویله شدید بر غلیان حصوله گنیر مشدرکه انکلیز اداره سی نهایت ۸ کانون ثانی ۱۹۰۸ تاریخنده محبوسلرنک تخلیه سنه مجبور اولمشدر .

کامل پاشا مرحوم . حیاتنک صوگ زمانلرنده . بالجله مصارفی کنندیه عاند اولق اوزره قاهرده ملی بر مکتب تاسیسنه صرف مساعی ایلمکده ایدی . کنندی تحصیلنی فرانسه ده اکمال ایلش و بر جوق فرانسنر مشاهیری ایله ده آرلرنده رابطہ دوستی حصوله گلش اولمشندن و یاخود مصر دن طولانی فرانسه ایله انکلیزہ آرمسنده قدیمدن بری حکمفرما اولان ضدیتی . ملکتنک استخلاصنه خادم و سائلندن عد ایلمکده بولمیشندن طولانی فرانسه یه قارشی پک زیاده توجه اظهار ایدردی .

مشارالیهک . اتحاد اسلام نمایلاتی تربید ایدرنک بو فکری جدآ قابل استفاده بر قوت حاله کتیرمک ایچون وقوع بولان مساعی منوره و دور پنهانسی ده نمره دار اولمشدر . حتی فکر اسلامی ترویج و آمال ملیه یی تاسیس و احیا یولنده کی نشریات و مساعیسی سایه سنده نفوذینک یوما فیوما پک زیاده آرتمی . مصرده یکر می سنه لک خدمات کار کذارانہ ایله انکلیز اداره سی تقویه یه موفق اولمش اولان لورد [قرومر] ک نهایت ۱۹۰۷ ده انفصالنه سببت ویردیکی شهیدن آزاده در . نه فائده که مشارالیه اون سنه لک مجاهدات متمادیه نک نمره سی اوله رق انکلیز قومیسرینک مصر دن انفکاکنی ادراک بخیار لغته نائل اولدینی صهر لرده . فرط فعالیت و مساعیسی یوزندن دوچار اولدینی مرض مه لک ده اشتداد ایتمش و نهایت عالم اسلامک شو صوگ زمانده یتشدیردیکی اک منور الفکر ، اک فداکار و اصیل مجاهدلرندن اولان بو وجود کامل ، ۱۰ شباط ۱۹۰۸ تاریخنده آمال علویه سنک . فقط مستقبل پک بیوک نمره لر حاصل ایدمبیله چکنه مطمئن اوله رق عالم فایه وداع ایتمشدر .

مصطفی کامل پاشا ، مشاغل متعدده سنندن اختلاس ایدمبیلدیکی جزوی

زمانبردن استفاده ایلله بعض آثار ادبیه و تاریخیده تألیف ایلشدر که بو میانده
 « رومالیر دورنده اسارت » و « اندلس فتحی » عنوانلی اثرلری شایان ذکر در .
 بوندن ماعدا سیاسی نطقلرینی دخی بر مجلهده جمع ایلله « مصرلیلر و انکلز لر »
 نامی آلتنده نشر ایتمشدر .

مملکتیزک، بوجاهدعالی همته مانند زمانغزده بر عثمانلی یتشدیره مدیکنی اعتراف
 ایتلی بز .

ع . ولید

